

靈寶領教濟度金書卷之二百十七

草五

靈寶領教濟度金書卷之二百十七

章五

洞微高士開光救苦真人竅 全真授

靈寶通玄弘教水南先生杯 靈真編

科儀立成品

璇璣齋用

設醮開啓祝幕儀

法事

上香

臣聞帝車中運霈三極以均恩聖慈旁調遍
十華而衍慶欲惠徼於真御庸感格於靈旂
盍罄精誠先殫懇禱以今恭焚真香遙瞻供

養

太上无極大道中天大聖北斗高上玉皇尊
帝北斗太微玉帝北斗玄卿大帝北斗陽明
太尉府玉皇九晨君北斗上宰府巨門星君
北斗司空府祿存真人星君北斗遊擊府文

章五

曲玄冥星君北斗斗君府廉貞丹元星君北
斗太常府武曲北極星君北斗上帝府破軍
天關星君北斗玉帝府外輔星君北斗真人
府內弼星君二帝聖后元君九皇夫人九陰
內妃天罡萬真節度奎光帝君三台華蓋星

君斗中玄曹道德官君北極四聖真君三天
元素真君中天元惠真君豁落璇璣諸大將
軍天罡萬丈大神王解厄掌式諸靈官擎羊
陀羅二仙使者左右綉衣使者通事舍人斗
中九省九府丞相真人金童玉女仙吏斗中
千乘萬騎仙官真吏本靖經錄法部諸省府
院司將吏兵馬本派祖玄真師列位真人經
籍度師列位真人城隍社令本家土地司命
六神四直玉文功曹三界直符使者監醮香
官直壇土地防禦神祇應感一切真靈仗此

寶香普伸供養香乃玉華散景九炁舍煙香
雲密羅逕衝九天侍香金童傳言玉女為臣
通真上聞帝前令臣所啓咸賜如言以今奉
為齋主某崇建某齋克卜今宵修設清醮一
座延奉仙真希殫欵謝敢望靈光洞朗道炁
羅敷鶴馭鸞駮絡繹齊臨於碧落龍駢虎騎
翩翩俱下於玄虛監一縷之芹忱効三華之
葵獻壇場告備班序齊周恭對道前闢行法

章五

二

事

請掌類同土香之

灑淨

玄靈感應天尊

詣掌醮司上香

其焚香上啓中天門下掌醮司真君醮筵翊
衛一切真靈仰冀隆寬術垂監映以今奉為
未修設清醮一座

若干分位

答謝斗府高真切慮

樊籠塵境豈同清淨仙鄉鋪設難周徒招譴
責欲望聖慈特為神化即俾層層金玉品品
珍竒一如藥珠宴集之供庶格真存俯錫歆
饗干冒聖聰不勝虔禱之至

宣呪

厨開六甲 服御天儀 九真光耀 紫垣璇璣
伶華朗徹 鈞天旌麾 龍燈鳳燭 變化靈飛
碧桃紫柰 琅棗瑤芝 霞漿雲饌 玉掌金彝
真靈神運 三辰彰施 層層簇列 闔芳呈奇
金童玉女 瓊爵瑤卮 七元宴樂 九府真隨

章五

三

降福凡庶 萬慶紛枝

玄靈感應天尊

詣降聖司

焚香上啓中天門下降聖司真君四直功

曹三界使者傳言奏事內外真靈仰北冥隆寬

俯垂監映以今奉為某人修設清醮一座分幾
答謝斗府高真切慮紛葩濁境豈同出密華
房感格難周徒招罪考欲望聖慈特為遍請
即俾九真俯降萬騎齊臨一如明霞初會之
榮庶拜天光獲通真欵干冒聖慈不昧傾俟
之至

宣呪

天衢霄映青炁白雲紫光素輝鸞旂鳳茵
翩翩羽蓋玉曜金真虹梁九萬鶴駕迴旋
豁落濛藹旌葆繽紛千乘萬騎雨集雲奔

功曹綉衣 帔朱羽巾 普照黃道 異香飛玄
前驅虎御 後擁龍輶 昭明真監 俯察精虔
流慶壇界 福祉綿綿

玄靈感應天尊

華夏入醮筵

轉經儀

法事入壇

燒香頌

十大點按人各恭信

三皈依

志心皈依

十方道寶當願衆生起心回向一切信禮

志心皈依

十方經寶當願衆生心開悟解受持轉誦

志心皈依

十方師寶當願衆生度上法橋無有滯碍

章五

具位某誠惶誠恐稽首頓首謹焚寶香遙瞻

四

供養

太上无極斗極祖師元始天尊斗極玄師靈
寶天尊斗極宗師道德天尊昊天玉皇上帝
北極紫微大帝斗中高上玉皇尊星石太微

玉帝北極玄卿大帝君中天大聖北斗九晨
皇上道君九皇夫人九陰內妃天罡萬真節
度奎光大帝斗中三台華蓋星君二十八宿
星君六十甲子星君道德玄曹官君聖衆玄
中大法師真君三天大法師真君中天九省
諸相丈人左右綉衣使者擎羊陀羅使者四
直玉文功曹通事舍人斗中千乘萬騎一切
真靈仗此寶香普伸供養仰冀洪慈俯垂省
錄臣聞五行共稟仰中樞網紀之司七政同
科尊左垣鈞衡之任合天地神靈而騰御統

人民品物以裁成移度三圖紀瓊章之妙密
迴元九道彰金簡之希夷至矣神功宏哉聖
化自龍輿俯臨於玉局而鶴駕仰扣於琅音
迴死注生羅瓊燈之照耀消災度厄崇瑤式
之加臨遂傳正教於八紘斯煥真經於六合

卷五

五

巍巍功德真敬禮而聖護持赫赫神靈鬼潛
消而精伏匿宏開解謝之門聿啓懺祈之路
可奉真宗肯入邪見今齋主某修奉某齋乞
於齋次轉誦某經普滌愆非克昌祿壽臣等
澄心淪性滌慮凝神肅五體以皈依檢五官

而嘯詠恭願玄雲流布聖日昭回勅金童玉
女以開函寶花天雨宣使者將軍而啓韞玉
籟空浮道德之官君衛嚴豁落之真靈翊護
十華清蕩三際消平容臣等異口同音調聲
正氣空歌振響騰道炁以彌羅梵唱流明混
靈光而洞煥即使齋主某千災不染萬福來
臻集一十五應驗於家庭無災無障解二十
四厄難於身命延福延生門庭春到以熙熙
眷序陽和而侃侃歲時晏樂晝夜安寧人各
運心平坐如法

敷心平 平坐讚

請轉寶經

眷不別 舉經題

轉經畢

四子撰 結經

具位臣某重炷寶香虔誠供養

虛皇大道妙有高尊昊天三皇大帝中天北

斗九晨皇上道星君九皇夫人九陰內妃斗

中千乘萬騎一切真靈同此寶香普伸供養

臣聞尊帝二星標空常而飛步璇璣七曜移

節度以參稽天網推豁落之常地紀定奇儀

之變測靈禽於掌內金緯旁加告驛馬於身

中玉杓端御妙而益妙玄之又玄故聖運開
劫於赤明而真經流傳於永壽誦之者萬罪
消滅潛擁護其精神詠之者千殃蕩除密翊
扶其步武福德立降禎祥可期以今奉為某
崇建某齋謹以齋次誦詠某經臣等莫不持
卷五
十戒以稱心仗三元而護性舒徐演奧周十
遍之玄功容與通靈敷一乘之妙道瓊音逸
響寶韻飛華伏願某罪業消除災衰洗蕩福
壽資命居然常保於利貞善果臻身至矣克
期於安泰絲蘿協吉桑梓均歡稽首皈依聞

經讚詠

三聞經

聞經已後惟願衆生萬罪蕩除善芽增長
聞經已後惟願衆生深入法門皈依信禮
聞經已後惟願衆生永斷執迷常皈正道

設醮儀

入壇如式

請稱法位

具位臣某與臨壇官衆等謹同誠上啓

太上无極大道斗中高上玉皇尊帝太微玉

帝北極玄卿大帝中天大聖北斗九晨皇上
道星君九皇夫人九陰內妃斗中天罡萬真
節度奎光大帝斗中三台華蓋星君斗中玄
曹道德諸君六十甲子星君斗極四聖真君
三天大法師真君斗中豁落璇璣諸大將軍

章五

斗中黑煞威烈行綱都副統兵大將軍擎羊
陀羅二仙使者左右綉衣使者通事舍人九
省九府丞相真人斗中千乘萬騎仙官神吏
本靖經籙法部諸省府院司將吏兵馬本派
祖玄真師列位真人經籍度師列位真人本

屬城隍司主者當境土地里域真官四真功
曹三界符使醮筵內外一切威靈臣聞碧落
開光建七元於北極玄虛應化統萬象於中
樞運帝車而節度四時調聖瑟以裁成庶政
仰承閭闔俯御崑崙語其妙則魂魄飛登扣
其玄則空常變化星橋穩駕雲闕高參示皈
真知命之方極注福消災之道監觀有翼感
應無違臣切切瞻天依依望聖駒牕暗老念
日涉於千愆蟻磨回旋恐時鍾於萬累爰建
璇璣之齋法肆頌豁落之崇壇潔已精修捫

心懺謝仰荷慈觀之監映獲聆釐事之慶成
恭卜今宵蠲陳滌祭伏望九靈潛契一炷孔
昭鶴駕鸞驂縹緲下臨於黃道龍旂羽蓋翩
翻來御於紫垣旁羅道德之官君後從威烈
之將吏不違懇禱恪副徼迎臣下情無任激
切屏營之至謹稽首再拜奏請

請聖

初獻

具位臣某謹重誠上啓

三清上聖斗府羣真三界萬靈十方真宰醮

筵應感一切威靈臣聞幹運中天標陰陽金
木水火土之德照臨下土爲天地日月江河
海之元植華表以建勾陳映驂樞而領蕃衛
分野攸係駕銀河於三十六禽寒暑斯分列
金井於七十二候凡受形於黃混悉稟命於

章五

紫樞玄造昭昭丹衷翼翼以今齋主某潔蠲
葵志疏瀹茅心念走俗抗塵傷危機而風動
乘非履過蹈禁網以時行雖下土之賦形實
上穹之委炁不思性命之當貴惟覺形骸之
可驕天惡盈而福謙懼縈黑業道集虛而受

益宜露丹忱故建齋醮以種善根為精懺祈
而消惡對壇崇三級肅羽葆以朝元陞列八
門羅旌幢而拱極龍璧致皈依之悃鳳綰鋪
懇告之忱百拜陳誠一心首過果沐穹蒼之
監曲歆衷赤之私戴德無終承恩罔極輒壯
蘋蘩之禮少旌葵藿之忱寓敬丹毫謄詞青
牘具有彛文謹當敷奏

宣詞

忱恂旣露聰聽允昭黍稷非馨僭致粟絲之
敬茅茨不剪冒陳綿蕝之儀伏願列聖居歆

高真委監珠彛泛玉間梵炁以流明翠管浮
金隨步虛而激響月磬奏九韶之韻雲鏞傳
萬舞之容顯秩瓊筵光凝瑤炬不勝激切之
至謹伸亞獻

亞獻

章五

九

具位臣某謹重誠上啓

虛皇大道高真妙有三皇上帝中天大聖北
斗九晨皇上道星君斗府玄曹一切真宰威
靈臣聞七政裁成定黃圖之休咎九皇臨制
承紫極之機祥既昭昭濟下以傾光耳赫赫

受中而賦質今齋主某擎拳謝過頂踵酬恩
肘步膝行既懺禳之無斃心剗膽瀝復傾倒
之莫遺伏願紫綵紛飛丹綸鼓動罪無小大
均削落於簡書過有顯微悉勾銷於簿錄絕
意外無虞之擾圓心中有造之榮惟精惟炁
惟神居然混合曰福曰祿曰壽樂只綿洪聳
碧梧翠竹之舒華標綠栢蒼松之挺秀齊眉
舉按人事熙熙坐膝扶床天倫侃侃文獻茂
箕裘之業詩書培絃誦之聲九祖七玄朱陵
證品五親三族青極流華四時均詠於熙熙

八節咸皈於蕩蕩次願臣等祥光照曜塵翳
蠲消好道希仙常見天關之紫炁修真入聖
永延地軸之青芒金花不老以優游玉樹長
春而安樂黃庭日永爐凝偃月之輝丹谷春
融館襲明霞之耀如蒙丹懇允荷玄恩上願
覆載清寧儀璘輝耀風雲藏靜草木蕃鮮垂
甘露於八埏湧醴泉於九軌歡生隴畝三農
騰擊壤之歌威振邊陲四塞息鳴弓之警靜
綠林於方域鞠青草於園扉野無鴻鴈之憂
朝有鳳凰之喜飛潛動植各樂生生人鬼龍

仙均陶化化臣無任激切之至謹伸終獻

終獻

臣謹重誠上啓

道經師三寶天尊昊天三皇上帝中天大聖
北斗九晨皇上帝星君斗府神仙醮筵真宰

章五

臣聞三熏三沐攬饗帝之寅恭再拜再言極
事天之庸敬一念既殫於奏對九皇諒監於
敷陳以今香冷金輝燈殘燭焰鳳簾息琳琅
之韻龍璫收縹緲之音月淡河澄覺霓旌之
欲返參橫斗轉瞻霄旆之將還臣控挽無從

瞻依徒切下情不勝攀戀之至謹稽首奉送
之賻請回輶頌之音且效回登覺靈茲之
輿輿必出壇命全軼歎歎歎鳳業息極泉
靈寶領教濟度金書卷之二百十七



